

दोय दिना री बन्दा सायबी काई तेग दिखावे लिरिक्स



दोय दिना री बन्दा सायबी,

दोहा – नहीं हैं तेरा कोय,
नहीं तू कोयका,
अरे हां बाज़िन्द स्वार्थ रा संसार,
बणा दिन दोय का।
एक रोहिड़ा रा फूल ज्यू,
वनी में फूलिया,
अरे हां बाज़िन्द झूठी माया देख,
राम जी ने भूलिया।
डोडी पाग झुकाय,
दिखावत आरसी,
अरे हां बाज़िन्द वे नर गया बिलाय,
पढन्ता फ़ारसी।
अंतर तेल फुलेल निस दिन लगाय,
दोय दोय दीपक सँजोय महल में पोढता,
एक दिन पासो पड़ियो काल रो,
तो गया गडिखावता।
रहता रंग महलों रे में,
झरोखे झांकता,
चाले टेढ़ी चाल,
चंहु के डाकता।
अरे बाज़िन्द वाने खा गयो काल,
गया गडिन्दा खावता।

दोय दिना री बन्दा सायबी,
काई तेग दिखावे,
गर्भ करे मन मानखा,
साथे नहीं जावे,
दोय दिनां री बन्दा सायबी।bd।

महल खजाना छोड़ के,
तू होया हैं खाना,
क्या जाणू किस देश मे,
पा किया हैं पियाणा,
दोय दिनां री बन्दा सायबी।bd।



गलियारों में डोलिया,
फूला सेज बिछाता,
पोढ़ण वाला पोढ़ता,
दीसे नहीं जाता,
दोय दिनां री बन्दा सायबी।bd।

मूछिया टेढ़ी राखता,
काई आँख दिखावे,
जोर जवानी में डोलता,
वे नर मरता ही जावे,
दोय दिनां री बन्दा सायबी।bd।

देख देख गति जीव री,
मोहे हँसी आवे,
माध केवे माने नहीं,
वृथा जन्म गमावे,
दोय दिनां री बन्दा सायबी।bd।

दोय दिनां री बन्दा सायबी,
काई तेग दिखावे,
गर्भ करे मन मानखा,
साथे नहीं जावे,
दोय दिनां री बन्दा सायबी।bd।

स्वर – टीमा बाई जी।
प्रेषक – रामेश्वर लाल पँवार।
आकाशवाणी सिंगर। 9785126052
